

Headline	Abd Latif dapat anugerah Tokoh R&D		
MediaTitle	Sinar Harian		
Date	17 Dec 2016	Color	Full Color
Section	Nasional	Circulation	279,000
Page No	15	Readership	837,000
Language	Malay	ArticleSize	240 cm ²
Journalist	Noor Azura Sahril	AdValue	RM 4,094
Frequency	Daily	PR Value	RM 12,282



Abd Latif dapat anugerah Tokoh R&D

■ NOOR AZURA SAHRIL

SHAHALAM - Ketua Pengarah Institut Penyelidikan Perhutanan Malaysia (Frim), Datuk Dr Abd Latif Mohmod dianugerahkan Tokoh Penyelidikan dan Pembangunan (R&D) 2016 daripada Yayasan Pembangunan Buku Negara (YPBN), kelmarin.

Anugerah tersebut disampaikan Menteri Perdagangan Antarabangsa dan Industri, Datuk Seri Mustapa Mohamed sempena Majlis Pelancaran Buku Dikir Barat di Persidangan Buku Antarabangsa 2016.

Selain anugerah itu, Abd Latif menerima Anugerah Buku Negara (Kategori Buku Teknikal Terbaik) untuk buku *Sinonim Nama Tempat Dengan Nama Tumbuhan* dihasilkannya bersama Dr Ahmad Zuhaidi Yahya, Zawiah Ngah, Nik Zanariah Nik Mahmood dan Othaman Hasin.

Anugerah disampaikan oleh

Timbalan Menteri Pertanian dan Industri Asas Tani, Datuk Seri Tajuddin Abdul Rahman di Majlis Perasmian Ekspo Buku Malaysia, Persidangan Buku Antarabangsa dan Anugerah Buku Negara.

“Saya rasa amat bangga dan berbesar hati atas kedua-dua anugerah ini. Saya harap kejayaan kami ini akan beri inspirasi dan motivasi kepada lebih ramai orang, terutama generasi muda untuk membaca dan menulis,” katanya yang juga penerima Anugerah Perdana bagi kategori Tokoh Buku Penyelidikan pada 2015.

Menurutnya, buku *Sinonim Nama Tempat Dengan Nama Tumbuhan* adalah hasil aspirasi dibangkitkannya pada Majlis Biodiversiti Negara 2013 sebagai rujukan kebangsaan dan mempromosikan usaha pemeliharaan pokok-pokok tradisi di Malaysia.

Buku yang mempunyai 354 muka surat itu, memaparkan

nama tempat sinonim dengan

149 tumbuhan di Malaysia. Malah, ada nama tempat sempena nama pokok mengikut sebutan atau loghat lokasi.

Buku berkenaan adalah penerbitan Frim kelima yang memenangi Anugerah Buku Negara (Buku Teknikal Terbaik) untuk buku bertajuk

FRIM Tapak Warisan Semula Jadi Negara pada 2010 dan *Wild Orchids of Peninsular Malaysia* pada 2012.

Pada 2013, Frim menang Anugerah Industri Buku (Kategori Sains) untuk *99 Spesies Buah di FRIM* dan Anugerah Perdana (Kategori Penyelidikan) untuk *FRIM Warisan Kebangsaan*.

Penerima lain untuk Anugerah Perdana tahun ini termasuk Prof Datuk Seri Dr Mohamed Mustafa Ishak bagi Tokoh Pengarang Negara; Tan Sri Datuk Ng Teck Fong (Tokoh Perdana); Datuk Seri Prof Dr Khairil Annas Jusoh (Tokoh Kepimpinan) dan Faisal Md Hasim (Tokoh Perbukuan Islam).



Mustapa (tengah) menyampaikan anugerah kepada Abd Latif.